

**Radiokkut tv-kullu aallakaatitsisarneq pillugu inatsisartut peqqussutaata allanngortinnissaa  
pillugu inatsisartut peqqussutissaattut siunnersuut**

**pillugu**

**Kultureqarnermut-, Ilinniartitaanermut,- Ilisimatusarnermut Ilageeqarnermullu  
Ataatsimiititaliap**

**ISUMALIUTISSISSIONAA**

**Siunnersuutip aappassaaneerneqarnissaanut saqqummiunneqartoq**

Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq, Debora Kleist  
 Inatsisartunut ilaasortaq, Harald Bianco  
 Inatsisartunut ilaasortaq, Andreas Uldum  
 Inatsisartunut ilaasortaq, Malik Berthelsen  
 Inatsisartunut ilaasortaq, Knud Kristiansen

Siunnersuutip siullermeerneqarnera tunnavigalugu Ataatsimiititaliap siunnersuut matumani pineqartoq misissorpaa.

**Siunnersuutip imarisaa**

Ukioq 2010-imut aningaasanut inatsisisap akuersissutigineqarneranut atatillugu 2010-ip ingerlanerani Radioqarnermut tv-qarnermullu ataatsimiititaliamut aningaasaliissutaasartut peeriartuaarnissaannik aalajangiisimanerup kingunerisaanik siunnersuut saqqummiunneqarpoq.

**Siunnersuutip Inatsisartuni siullermeerneqarnera**

Partiit tamarmiusut siunnersummut tapersersuippput.

**Kultureqarnermut-, Ilinniartitaanermut,- Ilisimatusarnermut Ilageeqarnermullu**

**Ataatsimiititaliap siunnersummik suliarinninner**

Ukioq 2010-imut aningaasanut inatsisisap Inatsisartunit akuersissutigineqarnerata Radioqarnermut tv-qarnermullu ataatsimiititaliamut aningaasaliissutaasartut peeriartuaarnissaannik aalajangiisimanerup kingunerisaanik siunnersuut saqqummiunneqarsimammat Ataatsimiititaliap maluginiarpaa. Aalajangerneq Inatsisartunit isumaqatigiittunit aalajangiunneqarpoq.

**Kultureqarnermut-, Ilinniartitaanermut,- Ilisimatusarnermut Ilageeqarnermullu**

**Ataatsimiititaliap inassuteqaataa**

Siuliani allassimasut kiisalu siullermeerininnermi oqaaseqaatit tunuliaqtaralugit siunnersuut **akuersissutigineqassasoq Ataatsimiititaliamit isumaqatigliittumit inassutigineqarpoq**.

Taama oqaaseqaateqarluni Kultureqarnermut-, Ilanniartitaanermut,- Ilisimatusarnermut  
Ilageeqarnermullu Ataatsimiititaliap siunnersuut aappassaaniigassanngortippaa

---

Harald Bianco

---

Debora Kleist

---

Andreas Uldum

---

Malik Berthelsen

---

Knud Kristiansen